



**ATASSUT**  
**Steen Lynge**

**UPA 2016/11**  
**27. 05. 2016**

**2015-imut Nunatta Karsiata naatsorsuutaasa akuersissutigineqarnissaannik siunnersuut**  
(Aningaasaqarnermut Aatsitassaqarnermullu Naalakkersuisoq)

Aallarniutungalugu ATASSUT-mit Naalakkersuisut qutsavigissavagut Nunatta Karsiata 2015-mut naatsorsuutaannik saqqummiussineranut.

Ukioq nunatta aningaasarsiornikkut sukateriffiusimanera immaqa tamatsinnut arlaatigut sunniteqarsimasoq malugisimassavarput. Tassami pisariaqarsimavoq aningaasaqarnikkut aqutsinerup sukateriffigineqarnissaa minnerunngitsumillu aamma pisortat aningaasaqarneranut aningaasartuuteqarnikkut atuiffiusut eqqummaarinnerulerfigineqarneratigut.

ATASSUT-mit naammagisimaarluarparput Nunatta Karsiata 2015-mut naatsorsuutaasa inerneru, imaanngilarli taamaariarmat tassa eqqissilluta tunuaamialaaginnarluta pissutsit pissusissamisut ingerlaannarnissai naatsorsuutigissagipput. ATASSUT-mit isumaqarpugut pingaaruteqarluinnartuusoq, sulii sukangasuumik aningaasaqarnikkut aqutsinerup ingerlanneqarnissaa aammalu Namminersorlutik Oqartussani taakkulu iluini oqartussaqaqarfinni assigiinngitsuni ataanni inissisimasut susassaqaqarfinni aningaasartuuteqarfiusuni aningaasartuutitut eqqummaarinnerunerup attatiinnarneqarnissaa.

Nunatta Karsiata 2015-mut naatsorsuutaasa maanna oqallisigineqarneranut atatillugu ATASSUT-mit suut tamaasa susassaqaqarfiit oqaaseqaqarfigisinnaanngilavut, taamaattorli susassaqaqarfiit maanna siullermeerinninnermut atatillugu oqallisiginninnermi pisarialittut qaqqinneqartariaqarsorisatta ilamininngui qaqqileriffigilaassavagut.

ATASSUT-mit iluarisimaakkatsinnik takusinnaavarput aalisarnerup iluani nunarsuarmi akigissaartitsisimanerup malitsigisaanik aalisarnermi isertitsinerit annertuseriaateqarsimaneri, taamaasillunilu akitsuutitigut aamma Nunatta Karsianut isertitat amerleriaateqarsimallutik. Taamaattumik aamma ATASSUT-mut pingaaruteqarpoq, suli annerusumik isiginiarneqassasoq saarullinniarnep siunissami annertusiartuinnartussap qanoq nunatta iluaqutigisinnaaneraa isiginiassallutigu. Tassanilu kisiisa eqqarsaatiginnilavut saarullit suliarineqanngitsut tuniniarneqarlutillu tunisassiarinnarneqarnissaat, kisiannili saarullit tarajortikkat (bachalau) tuniniarneqarlutillu tunisassiarineqarnissaat nunani Spaniami aamma Portugalimi soqutigineqarluartartut.

Nukissiorfiit eqqarsaatigalugit aamma nuannaarutigaarput, ukiut siuliini naatsorsuuserinermi ilaatigut ajornartorsiutitut naatsorsuuserisunit tikkuarneqarsimasoq, tassalu naatsorsuuserinermi immikkoortortaqrarfiup sulisuisa susassaqrarfiit iluini assigiinngitsuni nikittarneri, tassungalu atatillugu aningaasaqrarnermut atortut nutaat atulernerisigut aamma sulisut sunik suliaqrarnerisa immikkoortinneqarnissaat pisinnaallualersimasoq.

Taakku saniatigut aamma ATASSUT-mit soqutigilluinnarparput innaallagissamik pilersuinerup sapinngisamik aamma innaallagissamik atuinikinnerit isiginiarneqarnissaat, taamaattumik aamma soqutiginarillutigu paaserusupparput arlaatigut Nukissiorfiit pilersaaruteqarnersoq annertusiartortumik silami qullersuaqrarikkut LED-imik qaammaqqusersuutit atorneruleriartorneqarnerisut, taakkumi ungasinnerusoq eqqarsaatigalugu aningaasartuutikillisaataaqataalluarsinnaammat?

Aammattaaq ATASSUT-mit isumaqrarpugut, pingaaruteqartoq siunissami suli innaallagissamik imermillu pilersuinerup tungaatigut unammillerluarsinnaasunik nunami suliffeqrarfissuarnut tunisassiorfinnullu atugassaqrartitsisinnaaneq, taamaasiornikkummi Kalaallit Nunaata nunarsuarmioqatigiit akornanni tunisassiorfeqrarikkut unammillerluarsinnaassuseqrarnerannut annertusaataasinnaammat. Tassuunakkullu aamma suliffeqrarfiit ataavartut pilersiortorneqarsinnaallutik nunami inuutissiarsiutit akornanni.

Taamatuttaaq aamma ATASSUT-mit iluarisimaarparput inunnik isumaginninnerup peqqinnissaqrarnerullu iluanni Siusinnaartumik Iliuuseqrarinnissap suli eqqumaffigineqrarnera minnerunngitsumillu aamma Naalakkersuisut persuttaasarnermut 2014-2017-mut periusissiaanni persuttaasartut katsorsarneqarnissaannik neqerooffigineqarsinnaanissaannik pilersitsinissaq.

ATASSUT-mili isumaqarpugut, suli pisariaqartoq persuttaasarneq pillugu ilisimasanik katersuiffeqarnissaq aammalu persuttarneqarsimasunut katsorsaanissamik periarfissaqartitsinissaq, persuttagaasimasummi tamatigut atonerluisuuneq ajorput, taamaasillutillu aamma atonerluinermut katsorsartitunut akuutissallugit tulluarnepaasuunani. Taamaattumik ATASSUT-mi isumaqarpugut, pingaaruteqartuusooq Naalakkersuisut persuttaasarneq pillugu periusissiaata piffissaliussaanni ataavartumik nalilersuinerit naleqqussaanerillu pisinnaanissaat, ilisimalikkat nutaat aallaavingalugit ajornartorsiutaasinnaasut assigiinngitsut aamma inissaqartikkumallugit.

Taamatut ATASSUT-mit oqaaseqarluta, qilanaarivarput Inatsisarut Kukkunersiuinermut ataatsimiitsitaliaanni suliap ingerlateqqinneqarnissaa, taavalu naatsorsuutigalutigu ukiaru Inatsisartut ataatsimiinneranni suliaq inaarsarlugu Nunatta Karsiata 2015-mut naatsorsuutaasa akuersissutigineqarsinnaanissaa.

Qujanaq!